




1132

Broj: 15- 824 /21.  
Sarajevo, 24.05.2021. god.

Bosna i Hercegovina  
Federacija Bosne i Hercegovine  
KANTON SARAJEVO  
Skupština Kantona Sarajevo  
Ul. Reisa Džemaludina Čauševića br. 1.  
SARAJEVO



PREDMET: Izjašnjenje na zastupničku inicijativu, dostavlja se  
VEZA: Akt Skupštine Kantona Sarajevo broj: 01-04-19718-21/21/21 od 29.04.2021.godine, zaprimljen na protokol 07.05.2021.godine

Poštovani,

Ovim putem dostavljamo izjašnjenje na zastupničku inicijativu zastupnice Naše stranke Neire Dizdarević. Kako bi dobili što jasniju sliku po pitanju svega urađenog na krovu "B" objekta KJU "Gerontološki centar" Sarajevo, a ne na krovu "A" objekta kako se navodi u anonimnoj prijavi, pokušat ćemo obrazložiti isto, te dostavljenom dokumentacijom dokazati da se u svakom momentu poštovao važeći zakon te podzakonski propisi.

1. Kantonalna javna ustanova „Gerontološki centar“ Sarajevo se donedavno suočavala sa problemom prokišnjavanja dijela krova u objektu „B“. Kako bi pronašli izvor problema, odnosno mjesto gdje krov prokišnja i spriječili dalje prodiranje vode u Gerontološki centar je proveo javnu nabavku putem direktnog postupka nabavke detekcije kvara na ravnom krovu KJU „Gerontološki centar“ Sarajevo sa popravkom jednog manjeg dijela istog, zahvaćenog prokišnjavanjem kako bi bar kratkotrajno riješio navedeni problem, usljed nedovoljnih finansijskih sredstava za obimnije radove sa dugotrajnijim rezultatima. Nakon što je provedena kompletna procedura vezana za predmetni direktni sporazum zaključen je Ugovor o izvođenju radova (Ukupna cijena predmetnih radova iz direktnog sporazuma je iznosila **2.172,50 KM bez PDV-a**). Prilikom izvođenja ugovorenih radova Izvođač je sugerisao da bi se trebao zamjeniti i postaviti novi slivnik za vodu, te da je ravni krov dotrajavao usljed neredovnog održavanja i starosti istog, te da će, kao trajnije rješenje, biti potrebna kompletna sanacija ravnog krova. Obzirom da se radilo o manjem dijelu krova, koji se sanirao, nakon obilnih padavina, svojstvenih ovom vremenskom periodu, ponovno je došlo do prodiranja vode u zidove objekta „B“ kao i u elektroinstalacije istog. **Do zaključka da bi se trebao zamjeniti čitav Ravnog krov „B“ objekta se došlo na način da su zaposlenici Službe servisnih usluga Gerontološkog centra u više navrata duži vremenski period pokušavali sanirati prodor vode, da se radi o ravnom krovu koji je, ukoliko se ne održava redovno, a što nije rađeno, sklon nakupljanju vode usljed padavina, te da su, kada je voda prodrila u korisničke sobe, električne instalacije, izolirani korisnici iz istih. Nesporna je činjenica da je krov postavljen prije 60 godina i isti je jako dotrajavao. (Zakon o građenju između ostalog propisuje da se zamjena kamenčića koji se nalaze na ravnom krovu, i služe kao filter, vrši svako 5 godina, dok se zamjena lepenke vrši svako 15 godina).**

Obzirom da izvođač radova, privredno društvo „Zona 50“ doo, nije ispoštovao ugovorene obaveze, u smislu kvaliteta izvedenih radova, naglašavamo da **Gerontološki centar nije ni platio iste, već je fakturu koja je dostavljena u januaru 2021.godine, uredno vratila istom, bez da je plaćena.**



Nakon sugerisanja od strane privrednog društva „Zona 50“ doo iz Sarajeva, da će biti potrebna kompletna sanacija krova KJU „Gerontološki centar“ u više navrata, u medijima i na društvenim mrežama, upozna je nadležne i traži njihovo uključivanje u rješavanje novonastale situacije u smislu odobravanja finansijskih sredstava dovoljnih za trajno rješavanje ovog problema (Obavijest broj:14-2224/20 od 04.12.2020.godine. Zahtjev za odobrenje preraspodjele sredstava broj: 14-2245/20 je upućen nadležnom ministarstvu odmah po nastanku problema dana 07.12.2020.godine sa napomenom „Hitno“. Medijski istupi direktorice Gerontološkog centra i molbe za pomoć su rezultirale javljanjem mnogih privrednih društava koji su bili voljni pomoći u veoma teškoj situaciji.

Nakon dva do tri dana suhog vremena uključuje se električna energija u „B“ objektu od strane ovlaštenog privrednog društva „Maher“ doo iz Sarajeva. U svom izvještaju broj: 3565/20 od 07.12.2020.godine firma „Maher“ doo iz Sarajeva navode: „Zaključak za elektroinstalaciju: Na osnovu provjeravanja pregledom i ispitivanjem-mjerenjem može se konstatovati da je elektroinstalacija objekta „B“ KJU „Gerontološki centar“ Sarajevo ispravna i funkcionalna za dalje korištenje. Potrebno je obraćati pažnju naročito sa ponovno prodiranje vode usljed obilnijih kiša te adekvatno reagovati isključenjima glavne sklopke ukoliko dođe do prodiranja vode.....“. Napominjemo da je uslugu pregleda električnih instalacija i davanja odobrenja za ukućenje električne energije privredno društvo „Maher“ doo Sarajevo, pružilo **bez nakanade**<sup>1</sup>.

Još uvijek se čekalo odobrenje od nadležnog ministarstva, odnosno Vlade Kantona Sarajevo za preraspodjelu sredstava dovoljnih za sanaciju, odnosno popravak ravnog krova, te se u jutranjim satima, dana 09.12.2020.godine, ponovno šalje urgencija za preraspodjelu sredstava.

Obilna kiša koja počinje ponovo da pada prouzrokuje sada još veće probleme u smislu da voda dolazi do korisničkih soba i ponovno do elektroinstalacija, a samim tim i gašenja električne energije u ovom dijelu objekta Gerontološkog centra.

Obzirom da se pokušava bar malo ublažiti prodiranje vode, na prijedlog privrednog društva „Topcon“ doo Sarajevo, odlučeno je da se postavi građevinske folije – najlona na ravni krov. Obzirom da Gerontološki centar nema zaposlenike, dovoljno stručne, koji bi izvršili predmetnu uslugu, privredno društvo „Topcon“ doo iz Sarajeva je ovu uslugu pružilo **bez naknade**<sup>2</sup>.

**U anonimnoj prijavi nije tačan navod da je iznos od 5.123,99 KM plaćen za postavljanje najlona.** Radi se o iznosu koji se odnosi na sanaciju krova Prihvatišta, sa potrebnom sanacijom zidova, koji je pokrenut u 2019. godini (godinu dana ranije) i nalazi se u Izvještaju o javnim nabavkama KJU „Gerontološki centar“ Sarajevo za 2019. godinu, a dostupan je na web stranici Ustanove. Procijenjena vrijednost nabavke iznosila je 5.200,00 KM bez PDV-a.

Procedura, koja je u skladu sa zakonom, je provedena na sljedeći način:

Postupak je pokrenut donošenjem Zahtjeva za pokretanje postupka nabavke od strane Službe za servisne usluge, broj: 13-1915/19, od 24.12.2019. godine, na osnovu koga su upućeni zahtjevi za dostavu inicijalnih ponuda prema više ponuđača i to:

- „Arkon o.d. Sarajevo
- „Armon“ d.o.o. Sarajevo
- „Topcon“ d.o.o. Sarajevo

Ponudu su dostavila tri ponuđača:

- „Topcon“ d.o.o. Sarajevo, u vrijednosti od 5.123,99 KM bez PDV-a
- „Arkon o.d. Sarajevo, u vrijednosti od 6.580,50 KM bez PDV-a

<sup>1</sup> Postupak javne nabavke nije proveden obzirom da se radi o donaciji usluga.

<sup>2</sup> Postupak javne nabavke nije proveden obzirom da se radi o donaciji usluga.



- „Armon” d.o.o. Sarajevo, u vrijednosti od 6.829,54 KM bez PDV-a.

Donesena je Odluka o nabavci broj: 13-1923/19 od 26.12.2019. godine, a zatim i Odluka o dodjeli ugovora ponuđaču Topcon” d.o.o. Sarajevo, broj: 13-1923-2/19 od 27.12.2019. godine u ukupnoj vrijednosti 5.123,99 KM bez PDV-a, odnosno 5.995,07 KM sa PDV-om i poslano Obavještenje o dodjeli ugovora, a zatim je sklopljen ugovor o izvođenju radova broj: 13-1923-4/19 od 27.12.2019. godine. Izvještaj o provedenom postupku javne nabavke objavljen je na portalu e-nabavke, pod brojem 897-8-3-102/19, dana 27.12.2019. godine.

Dana 13.01.2020. godine sačinjen je Zapisnik o primopredaji radova broj: 64-2/20, u kome je konstatovano da su cjelokupni radovi izvedeni zaključno sa 13.01.2020. godine, u svemu prema datoj specifikaciji.

Izvođač radova „Topcon” d.o.o. Sarajevo je ispostavio račun za izvršene radove, broj: 001/2020, dana 16.01.2020. godine u ukupnoj vrijednosti 5.123,99 KM bez PDV-a, odnosno 5.995,07 KM sa PDV-om.

#### **Dokazi:**

Kompletna dokumentacija predmetnog postupka: Zahtjev za dostavu inicijalne ponude, Inicijalne ponude, Odluka o pokretanju postupka nabavke, Zahtjev za dostavu zvanične ponude, Dokaz o dostavi zahtjeva za dostavu zvanične ponude, Ponuda, Odluka o dodjeli ugovora, Obavijest o dodjeli ugovora, Dokaz o dostavi Odluke o dodjeli ugovora i Obavijesti, Ugovor o izvođenju radova, Primopredaja radova, Izvještaj o provedenom postupku Agencije za javne nabavke.

3. Zaključak da se odobrava preraspodjela sredstava Kantonalnoj javnoj ustanovi „Gerontološki centar“ Sarajevo je dostavljen 09.12.2020.godine u 15:26 sati putem fax-a.

Imajući u vidu sve naprijed navedeno, ostvareni su uvjeti za primjenu člana 21 stav (1) tačka d) Zakona o javnim nabavkama Bosne i Hercegovine („Sl. glasnik BiH“ broj 39/14), da se zbog krajnje hitnosti prouzrokovane događajima koji su prethodno obrazloženi, a nepredvidivi su za ugovorni organ, ne mogu se ispoštovati minimalni rokovi za otvoreni, ograničeni ili pregovarački postupak s objavom obavještenja, te se pokreće pregovarački postupak bez objave obavještenja.

#### **Procedura, koja je u skladu sa zakonom, je provedena na sljedeći način:**

Postupak je pokrenut donošenjem odluke o nabavci broj: 14-2284/20 od 10.12.2020. godine, u skladu sa članom 18. Zakona o javnim nabavkama. Procijenjena vrijednost predmetne nabavke iznosila je 103.000,00 KM bez PDV-a, a zbog hitnosti se odlučuju na pregovarački postupak bez objave obavještenja. Kriterij za dodjelu ugovora bila je najniža cijena.

U skladu sa Članom 21. stav d) Zakona o javnim nabavkama, pokreće se ovaj postupak zbog razloga krajnje hitnosti, prouzrokovane događajima nepredvidivim za ugovorni organ i tom prilikom se ne mogu ispoštovati utvrđeni minimalni rokovi za otvoreni, ograničeni ili pregovarački postupak s objavom obavještenja. Ugovorni organ je zatimu u skladu sa članom 28. stav (4) Zakona o javnim nabavkama na svojoj internetskoj stranici objavio informaciju o pregovaračkom postupku bez objave obavještenja i tendersku dokumentaciju. Poslani su upiti za dostavu inicijalnih ponuda, prema više ponuđača. Stigle su dvije ponude, ponuđača „Topcon” d.o.o Sarajevo u vrijednosti od 119.191,79 KM sa PDV-om i ponuđača „Black and White” Sarajevo u ukupnoj vrijednosti od 152.977,50 KM sa PDV-om. Sačinjen je zapisnik o pregledu i ocjeni početnog poziva za učešće u pregovaračkom postupku bez objave obavještenja o nabavci i početne ponude, broj:14-2284-5/20, od 14.12.2020. godine.

Ponuda ponuđača „Topcon” je bila povoljnija, pa je isti pozvan na pregovore u prostorije Kantonalne javne ustanove "Gerontološki centar" Sarajevo, a nakon toga je sačinjen zapisnik o postupku pregovora, broj: 14-2284-7/20 od 14.12.2020. godine.

Dogovoreno je da ponuđač da popust od 3,5 % na ukupnu vrijednost predmetne nabavke, što je on i učinio u konačnoj ponudi broj: 109/20 od 15.12.2020. godine. Sačinjen je zapisnik o pregledu i ocjeni konačne ponude u pregovaračkom postupku bez objave obavještenja o nabavci i početne ponude, broj:14-2284-9/20, od



15.12.2020. godine, a zatim i Izvještaj o radu komisije za javne nabavke i preporuka za dodjelu ugovora, broj:14-2284-10/20, od 15.12.2020. godine, poslije toga slijedi Odluka o izboru najpovoljnijeg ponuđača, broj: 14-2284-11/20 od 15.12.2020. godine.

Ugovorni organ je sklopio Ugovor o izvođenju radova sa ponuđačem, broj:14-2284-13 od 15.12.2020. godine u vrijednosti od 98.307,75 KM bez PDV-a, tj. 115.020,07 KM sa PDV-om, a članom 4. Ugovora se obavezao da će plaćanje ugovorene vrijednosti izvršiti **avansno u iznosu od 50% od vrijednosti Ugovora**, po zaključenju ugovora, a ostatak u iznosu od 50%, nakon završetka svih ugovorenih obaveza. Isto to je definisao i u tenderskoj dokumentaciji.

**Obzirom na jako puno netačnih informacija navedenih u anonimnoj prijavi, pa tako i „princip ne plaćanja avansa kod usluga izvođenja radova“ KJU „Gerontološki centar“ nije poznat i smatra da se isti može podvesti kao jedna od primjera pozitivne pravne prakse, ali ne kao zabrana, te formulacija „usluge izvođenja radova“ nije ispravna, obzirom da se po Zakonu o javnim nabavka može izvršiti usluga ili izvesti radovi, a nikako oboje.**

Obavještenje o dodjeli ugovora dostavljeno je 15.12.2020. godine, a sažetak Obavještenja je objavljen u JP „Službeni list BiH“, 17.12.2020. godine.

Nakon završetka radova sačinjen je zapisnik o primopredaji radova broj: 109-5/20 od 18.02.2021. godine, u kome je konstatovano da su ugovoreni radovi, definisani u Okančanoj situaciji, u cjelosti izvedeni stručno, kvalitetno, u skladu sa zahtjevima Naručioca i u ugovorenom roku, zaključno sa danom 18.02.2021. godine. Izvođač je dao garanciju za izvedene radove broj: 109-5/20 od 18.02.2021. godine, od 18.02.2021. godine do 18.02.2036. godine (u trajanju od 15 godina). Kvalitet obavljenih radova je potvrdila firma „Arting BH“ d.o.o. Sarajevo, koja je bila angažovana kao nadzor, od stane Kantonalne javne ustanove „Gerontološki centar“. Pomenuta firma ja napravila analizu realizacije ugovora i dala Izjavu nadzora o završenim radovima u kojoj je konstatovano da je izvođač „Topcon“ d.o.o. Sarajevo, na predmetnom projektu izveo radove u svemu prema ugovornoj dokumentaciji i važećoj tehničkoj regulativi i zakonskoj legislativi u BiH, te se kao takav može pustiti u eksploataciju. Nadzor je vodio Građevinsku knjigu i Dnevnik, u kome su sve stranice ovjerene od strane Izvođača i Nadzora.

Na portalu e-nabavke objavljen je izvještaj o provedenom postupku javne nabavke, broj 897-4-3-85/20 Dana 19.02.2021. godine ispostavljen je račun broj: 109-6/20 na ugovoreni iznos.

#### **Dokazi:**

Kompletna dokumentacija predmetnog postupka: Zahtjev za dostavu inicijalne ponude, Inicijalne ponude, Odluka o pokretanju postupka nabavke, Zahtjev za dostavu zvanične ponude, Dokaz o dostavi zahtjeva za dostavu zvanične ponude, Ponuda, Odluka o dodjeli ugovora, Obavijest o dodjeli ugovora, Dokaz o dostavi Odluke o dodjeli ugovora i Obavijesti, Ugovor o izvođenju radova, Primopredaja radova, Izvještaj o provedenom postupku Agencije za javne nabavke, Faktura.

**4. U vezi pitanja koje se odnosi na sistem video nadzora u KJU „Gerontološki centar“ Sarajevo, naglašavamo da je isti već instaliran u Gerontološkom centru 2016. godine, te da je izvršena samo zamjena postojećih dotrajalih i zastrajelih dijelova predmetnog sistema, te s tim u vezi nije konsultovana Agencija za zaštitu ličnih podataka.** Obzirom da je isti bio zastario i otežavao uveliko rad zaposlenika Unutrašnje službe zaštite Gerontološkog centra prilikom vršenja 24-satne zaštite ljudi, korisnika usluga i zaposlenika ustanove i imovine, bilo je potrebn isti **unaprijediti**, na način da se provede postupak nabavke, isporuke i instaliranja sistema video nadzora. **Odgovorno tvrdimo da su se budžetska sredstva, odnosno vlastita sredstva Gerontološkog centra, utrošila na najbolji mogući način.**

**Procedura, koja je u skladu sa zakonom, je provedena na sljedeći način:**

Ustanova je uputila zahtjev za dostavu inicijalne ponude, u svrhu istraživanja tržišta, na dvije adrese, firmi „Sword security“ d.o.o. Sarajevo i „Condor Security“ d.o.o Zenica, istovremeno kada je uputila i zahtjev za



dostavu ponude za nabavku i instaliranje sistema kontrole radnog vremena sa pratećom opremom i istim ponuđačima.

Na upit je odgovorio samo ponuđač „Sword security” d.o.o. Sarajevo, pa je Ustanova donijela Odluku o nabavci broj: 14-191/20 od 29.01.2020. godine i uputila Zahtjev za dostavu konačne ponude ponuđaču „Sword security d.o.o. Sarajevo, koji je dostavio ponudu u ukupnoj vrijednosti 5.987,00 KM bez PDV-a, tj. 7.004,90 KM sa PDV-om. Donesena je Odluka broj: 14-191-2/20 od 10.02.2020. godine o dodjeli ugovora i zaključen ugovor broj: 14-191-4/20, dana 10.02.2020. godine.

Nakon završetka ugovorenog posla sačinjen je Zapisnik o urednom izvršenju posla i dostavljena faktura na plaćanje, broj: 001378/20 od 03.04.2020. godine.

Na portalu javnih nabavki objavljen je Izvještaj o provedenom postupku javne nabavke broj: 897-8-1-23/20 dana, 10.02.2020. godine.

#### **Dokazi:**

Kompletna dokumentacija predmetnog postupka: Zahtjev za dostavu inicijalne ponude, Inicijalne ponude, Odluka o pokretanju postupka nabavke, Zahtjev za dostavu zvanične ponude, Dokaz o dostavi zahtjeva za dostavu zvanične ponude, Ponuda, Odluka o dodjeli ugovora, Obavijest o dodjeli ugovora, Dokaz o dostavi Odluke o dodjeli ugovora i Obavijesti, Ugovor, Primopredaja, Izvještaj o provedenom postupku Agencije za javne nabavke, Faktura, Odluka o vršenju video nadzora u KJU „Gerontološki centar“ Sarajevo, Dopis Agencija za zaštitu ličnih podataka.

Navodi iz pritužbe koji se odnose da se snimci sa kamera nalaze na telefonu direktorice KJU „Gerontološki centar” su netačni.

Navodi o cijenama iznesenim u pritužbi, pretpostavljamo, su predmet istraživanja trenutnih cijena na tržištu (Privredno društvo „Itehnika” i „Kamere”) i nikako se ne mogu uporediti sa cijenama na tržištu koje su bile u period kada je proveden predmetni postupak (januar-februaru 2020. godine).

Ali da se radi o još jednom netačnom navodu izvršit ćemo poređenje navedenog, iz koga je jasno vidljivo da su određene cijene u ponudi ponuđača „Sword security” doo Sarajevo jeftinije nego cijene iz pritužbe, odnosno postavljenog pitanja i „običnog” istraživanja tržišta.

<b>Ponuda „Sword security” doo Sarajevo Januar-februar 2020 godine</b>	<b>PRITUŽBA, „Obično” istraživanje tržišta Maj 2021 godine</b>
<b>490,50 KM DS-7732NI-K4</b> Professional and Reliable   Dual-OS design to ensure high reliability of system running   ANR technology to enhance the storage reliability when the network is disconnected HD Input   H.265/H.264/MPEG4 video formats   Connectable to the third-party network cameras   Up to 32 IP cameras can be connected   Recording at up to 8 MP resolution   Supports live view, storage, and playback of the connected camera at up to 8 MP resolution HD Output   HDMI and VGA independent outputs provided	<b>836,76 KM Mrežni video rekorder</b> ( <a href="https://itehnika.ba/proizvod/ds-7732nik4mrezni-video-rekorderi/">https://itehnika.ba/proizvod/ds-7732nik4mrezni-video-rekorderi/</a> ); Privredno društvo „Itehnika” BiH



<p><b>153,00 KM DS-7608NI-K1</b>          1 H.265+/H.265/H.264/H.264+ video formats          1 Connectable to the third-party network cameras          1 Up to 8 IP cameras can be connected          1 Recording at up to 8 MP resolution          1 Supports live view, storage, and playback of the connected camera at up to 8 MP resolution          HD Output          1 HDMI/VGA simultaneous output (DS-7604NI-K1/4P (B))          1 HDMI and VGA independent outputs (DS-7608NI-K1/8P(B))          1 HDMI Video output at up to 4K (3840 × 2160) resolution          HD Storage          1 1 SATA interface connectable for</p>	<p><b>194,35 KM 04CH Mrežni POE Snimač DS-7604N1-K1/4P</b> (<a href="https://kamere.ba/product/mrezni-video-rekorderi-hikvision-ds-7604ni-k1/">https://kamere.ba/product/mrezni-video-rekorderi-hikvision-ds-7604ni-k1/</a>);          Privredno društvo "Kamere" BiH</p>
<p><b>58,50 KM KAMERA DS-2CD1121-I-2.8mm</b>          IP kamera 2.0MP, IP 66 , fiksni objektiv 2.8mm</p>	<p><b>142.52 KM DS-2CD1121-I,Dome kamere-IP</b> (sa PDV-om (<a href="https://itehnika.ba/proizvod/ds-2cd1121-idome-kamere-ip/">https://itehnika.ba/proizvod/ds-2cd1121-idome-kamere-ip/</a>);          Privredno društvo "Itehnika" BiH</p>
<p><b>297,00 KM SWITCH DS-3E0318P-E/M</b>          16 × 100 Mbps PoE ports, 1 × 1000 Mbps RJ45 port, and 1 × 1000 Mbps SFP fiber optical port.          • IEEE 802.3at/af standard.          • IEEE 802.3, IEEE 802.3u, and IEEE 802.3x standard.          • High priority ports.          • 8-core power supply.          • Up to 250 m transmission distance.          • 6 KV surge protection for PoE ports.          • PoE power management.          • 1000 Mbps network access.          • Wire-speed forwarding and non-blocking design.          • Store-and-forward switching.          • Solid high-strength metal shell.</p>	<p><b>545,69 KM Swich DS-3E03 18P-E-M</b> (<a href="https://kamere.ba/product/poe-i-switch-uredjaji-ds-3e0318p-e-m/">https://kamere.ba/product/poe-i-switch-uredjaji-ds-3e0318p-e-m/</a>)          Privredno društvo "Kamere" BiH</p>

Naglašavamo da je ugrađena **21 kamera** (hodnici, a nikako kancelarije) u i oko objekta KJU "Gerontološkog centra", te bi ukupan navedeni iznos iz anonimne prijave obuhvatio samo iznos za navedene kamere bez bilo kojeg drugog dijela sistema video nadzora.

5. U vezi pitanja koje se odnosi na sistem kontrole radnog vremena u KJU "Gerontološki centar" Sarajevo, naglašavamo da su se u Gerontološkom centru dolasci i odlasci zaposlenika bilježili u sveskama na recepciji ustanove, te je unazad nekoliko godina u Planu javne nabavke roba, usluga i radova bila planirana nabavka predmetne robe ali da se zbog nedostatka finansijskih sredstava ista nije realizovala. Obzirom da su se u 2020.godini ispunili uslovi za pokretanje predmetne nabavke odlučeno je da se izvrši nabavka, isporuka



i instaliranje sistema kontrole radnog vremena, a sve u ciju lakšeg i preglednijeg vođenja predmetnih evidencija.

Procedura, koja je u skladu sa zakonom, je provedena na sljedeći način:

Ustanova je nakon obavljenog istraživanja tržišta uputila zahtjev za dostavu inicijalne ponude na dvije adrese, firmi „Sword security” d.o.o. Sarajevo i „Condor Security” Zenica. Na upit je odgovorio samo ponuđač „Sword security” d.o.o. Sarajevo, pa je Ustanova donijela Odluku o nabavci broj: 14-190/20 od 29.01.2020. godine i uputila Zahtjev za dostavu konačne ponude ponuđaču „Sword security” d.o.o. Sarajevo. Ponuđač je dostavio ponudu u ukupnoj vrijednosti 5.963,00 KM bez PDV-a, tj 6.976,71 KM sa PDV-om.

Donesena je Odluka broj: 14-190-2/20 od 10.02.2020. godine o dodjeli ugovora i zaključen ugovor broj: 14-190-4/20, dana 10.02.2020. godine.

Na portalu javnih nabavki objavljen je Izvještaj o provedenom postupku javne nabavke broj: 897-8-1-24/20 dana, 10.02.2020. godine.

Dobavljač je dostavio fakturu na plaćanje, broj: 001376/20 od 02.04.2020. godine, na iznos kao u ponudi i ugovoru.

Dokazi:

Kompletna dokumentacija predmetnog postupka: Zahtjev za dostavu inicijalne ponude, Inicijalne ponude, Odluka o pokretanju postupka nabavke, Zahtjev za dostavu zvanične ponude, Dokaz o dostavi zahtjeva za dostavu zvanične ponude, Ponuda, Odluka o dodjeli ugovora, Obavijest o dodjeli ugovora, Dokaz o dostavi Odluke o dodjeli ugovora i Obavijesti, Ugovor, Primopredaja, Izvještaj o provedenom postupku Agencije za javne nabavke, Faktura.

Navodi o cijenama iznesenim u pritužbi predpostavljamo su predmet istraživanja trenutnih cijena na tržištu (Privredno društvo „Imtec” i „Kamere”) i nikako se ne mogu uporediti sa cijenama na tržištu koje su bile u period kada je proveden predmetni postupak (januar-februaru 2020. godine).

Ali da se radi o još jednom netačnom navodu izvršit ćemo poređenje navedenog, iz koga je jasno vidljivo da su određene cijene u ponudi ponuđača „Sword security” doo Sarajevo jeftinije nego cijene iz pritužbe, odnosno postavljenog pitanja i „običnog” istraživanja tržišta.

Ponuda „Sword security” doo Sarajevo Januar-februar 2020 godine	PRITUŽBA, „Obično” istraživanje tržišta Maj 2021 godine
166,50 KM ST4000VX000 HDD 4TB	239,00 KM SEAGATE EXTERNI HDD 4TB, STJL4000400 dva diska ( <a href="https://imtec.ba/hard-di-skovi-eksterni-i-kucista/51495-seagate-externi-hdd-4tb-stj14000400-3660619408191.html">https://imtec.ba/hard-di-skovi-eksterni-i-kucista/51495-seagate-externi-hdd-4tb-stj14000400-3660619408191.html</a> ); Privredno društvo „Imtec” BiH
1.420,00 KM SC203 Čitač kartica	145,00 € (eura) terminal za kontrolu pristupa sa LCD displejom ( <a href="https://www.masterbc.co.rs/access-sistemi/zt/zt-terminali-za-kontrolu-pristupahtsc203/2409">https://www.masterbc.co.rs/access-sistemi/zt/zt-terminali-za-kontrolu-pristupahtsc203/2409</a> ); Privredno društvo „Master” Republika Srbija
225,00 KM Aoc 21,5 Led monitor	218,00 KM MONITOR DELL E-SERIES E2220H 21.5" kvalitetniji košta, dva komada ( <a href="https://procomp.ba/monitori/35079-dell-e-series-e2220h-215-.html">https://procomp.ba/monitori/35079-dell-e-series-e2220h-215-.html</a> ). Privredno društvo „Procomp” BIH



Naglašavamo da je nadležno Ministarstvo već ranije zatražilo kompletnu dokumentaciju za iste postupke koje navodi uvažena zastupnica Neira Dizdarević, te smatramo da je ova incijativa nastala kao rezultat odmazde, osobe koja je dobila otkaz ugovor o radu u KJU "Gerontološki centar" Sarajevo kao težu povredu radne obaveze, a kako bi se naštetilo ugledu Gerontološkog centra.

**Pozivamo nadležne** da još jednom izvrše uvid u dokumentaciju predmetnog postupka, a ne samo ovog već i bilo kojeg drugog postupka javne nabavke, te naravno, ukoliko žele, to mogu odmah provjeriti Izvještaj o provedenim postupcima javnih nabavki roba, usluga i radova za 2020. godinu koji je dostupan na web stranici Gerontološkog centra.

Sa poštovanjem!

Dostavljeno:

1x naslovu

1x Služba za pravne i opće poslova Ger.centra

1x Služba mater.fin. i računov.posl. Ger.centra

1x a/a



A

pl.pravnik